

Kev kuaj ntshav rau tus kab mob ntsws qhuav (TB) yog dab tsi?

Kev kuaj ntshav rau tus kab mob ntsws qhuav (tuberculosis, TB), kuj tseem hu tias interferon Gamma Release Assay los sis IGRA, yog ib txoj hauv kev los xyuas seb koj puas muaj kab mob TB hauv koj lub cev. Ob qhov kev kuaj ntshav uas muaj yog **QuantiFERON®-TB** thiab **T-SPOT®.TB**.

Koj yuav tsum tau kuaj kab mob TB yog tias koj:

- tau nyob ze tas li nrog ib tus neeg uas muaj tus kab mob TB huam,
- tau nyob hauv ib lub teb chaws uas muaj cov neeg muaj mob TB coob heev,
- ua hauv lwm los sis nyob hauv lub tsev laus, chaw kuaj mob, tsev kho mob, nkuaj kaw neeg, los sis lub tsev pheb suab rau cov tsis muaj vaj tsev nyob,
- los sis koj lub cev muaj cov tiv thaiv kab mob tsis muaj zog heev.

Cov me nyuam yaus uas muaj hnuv nyoog qis dua 2 xyoos yuav tsum tau kuaj kab mob TB ntawm daim tawv nqaj es txhob kuaj rau qhov kev kuaj ntshav rau tus kab mob TB.

Kuv yuav tau txais kev kuaj ntshav rau tus kab mob TB li cas?

Nug koj tus kws kho mob. Lawv yuav nqus cov ntshav me ntsis thiab xa nws mus rau tim chav kuaj ntshav. Koj tus kws kho mob yuav tsum qhia rau koj tias seb qhov koj kuaj ntshav tau los ntawd tsis muaj mob los yog muaj mob hauv ob peb hnuv tom qab.

Yuav ua li cas yog tias kuv qhov kuaj tau los tsis pom muaj mob TB?

Qhov kuaj ntshav tau los tsis pom muaj mob TB feem ntau txhais tau tias koj tsis muaj cov kab mob TB hauv koj lub cev.

Yuav ua li cas yog tias qhov kuv kuaj ntshav tau los muaj mob TB?

Qhov kuaj ntshav tau los pom muaj mob TB txhais tau tias tej zaum koj muaj kab mob TB hauv koj lub cev.

Feem ntau cov neeg uas kuaj ntshav tau los pom muaj mob TB mas muaj tus kab mob TB tsis huam. Txhawm rau kom paub meej, koj tus kws kho mob yuav tshuaj xyuas koj thiab xyoo hluav taws xob rau lub hauv siab. Tej zaum yuav tau kuaj lwm yam ntxiv rau koj xyuas seb koj puas muaj tus kab mob TB tsis huam los sis kab mob TB huam.

Tus kab mob TB tsis huam yog dab tsi?

Muaj ob ntu ntawm tus mob TB. Ob ntu no puav leej tuaj yeem siv tshuaj los kho tau.

Thaum cov kab mob TB nkag mus rau hauv koj lub cev, cov kab mob no ua rau muaj tus kab mob TB tsis huam. Yog tsis kho, ces tus kab mob TB tsis huam no tuaj yeem dhau los ua tus kab mob TB huam.

Ntu 1 – Kab mob TB Tsis Huam	Ntu 2 – Kab Mob TB Hnov Mob
Cov kab mob TB no yuav nyob twj ywm ('tsis huam mob') hauv koj lub cev. Ntu no tuaj yeem siv sij hawm ntev - tej zaum kuj ntau lub xyoo.	Cov kab mob TB huam ('tsim los') thiab kis rau lwm tus tau. Cov kab mob no yuav tsim kev puas tsuaj rau koj cov khoom hauv lub nrog cev.
Koj zoo li tsis muaj mob los sis tsis mob. Koj qhov x-ray rau ntawm koj lub hauv siab los yeej tsis pom muaj mob.	Feem ntau koj yuav hnov mob. Koj tus kws kho mob yuav kuaj tshwj xeeb ntxiv seb cov kab mob TB tsim kev puas tsuaj rau hauv koj lub cev rau qhov twg.
Koj tsis tuaj yeem kis kab mob TB rau lwm tus.	Yog tias tus kab mob TB tsis huam no muaj nyob hauv koj lub ntsws lawm, koj tuaj yeem kis tus kab mob TB mus rau lwm tus los ntawm kev hnoos, txham, hais lus, los sis hu nkauj.
Tau kho los ntawm kev noj ib los sis ob yam tshuaj rau peb mus rau plaub lub hlis.	Kev kho mob mas siv peb los sis plaub yam tshuaj mus ntev tsawg kawg rau lub hlis.

Yuav ua li cas yog tias kuv tau txhaj tshuaj tiv thaiv kab mob BCG?

Cov tshuaj tiv thaiv kab mob BCG (cov tshuaj tiv thaiv kab mob TB) pab tiv thaiv cov me nyuam yaus kom tsis txhob muaj mob TB hanyav. Qhov kev tiv thaiv no yuav ploj mus thaum ua neeg laus.

KEV KUAJ NTSHAV RAU TUS KAB MOB NTSWS QHUAV (TB) YOG DAB TSI?

Cov neeg uas tau txhaj tshuaj tiv thaiv kab mob
BCGlawm los yeej tseem tuaj yeem kis tau tus kab mob
TB tsis huam thiab tus kab mob TB huam.

Yog tias koj tau txhaj tshuaj tiv thaiv kab mob BCG thiab
koj tau kuaj ntshav rau tus kab mob TB los sis kuaj kab
mob TB ntawm daim tawv nqaij lawm, qhov ntawd yuav
zoo dua rau koj los kuaj ntshav rau tus kab mob TB.

Qhov no yog vim qhov kuaj ntshav rau tus kab mob TB
tsis cuam tshuam los ntawm cov tshuaj tiv thaiv kab
mob BCG. Qhov no txhais tau tias yuav kuaj pom koj
muaj tus kab mob TB yog tias koj muaj cov kab mob TB
hauv koj lub cev.

Tiv thaiv kev noj qab haus huv ntawm koj thiab txoj koj
tsev neeg - mus kuaj ntshav rau tus kab mob TB!

Minnesota Department of Health
Tuberculosis (TB) Prevention and Control
1-877-676-5414 or 651-201-5414
www.health.state.mn.us/tb

02/24

*Txhawm rau kom tau txais cov ntaub ntawv no ua lwm hom
ntawv, ces hu rau: 651-201-5414.*